

Pitaruah Ayah (18)

Contributed by Dr. H. K. Suheimi
Wednesday, 01 August 2007

Mako kini Ayah ingekkan, hati-hati manjago iman.
Taguah-taguah paciak tauhid, usah sumbiang, usahlah cakak.
Kok bulek indak bapasagi, picaknya indak basuduik, runciangpun indak bajipang.

Walau ba'alah badai mahampeh, lauik gilo tapan mangamuak, kamudi usah dilapehkan.
Hanyo Allah tampek balinduang nak, bukan dukun, bukanlah datu, bukanlah pulo tukang tanuang atau mamintak bakeh kuburan, kok kunun ka setan jo ubillih.
"Iyya kanak budu wa iyya kanasta"in", kapado allah kito manyambah kapado-Nyo pulo mintak tolong.

Nah... itulah nak, itulah pitaruah Ayah.
Kok nasehat ko lah namonyo, kok pituah ka Ang katokan.
Nan nyato utang ka anak lah taansua.
Lain hari Ayah lansaikan.
A . . . baa Ang kini, karano hari lah laruik malam, badan latiah, mato takantuak, kito baganjua lalok dulu.
Insya Allah bisauk kok lai iduik juo, disambuang guliang, ditamatkan surah.

Disadur dari cerita Cassette "Pitaruah Ayah" Karya : Yus Dt. Perpatiah